



Ulloq 06. Juni 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Namminersorlutik Oqartussat suliffeqarfiutaasa nunatta sineriaanut siammarterneqarnissaat qanoq isumaqarfigaassiuk?**
- 2. Pilersaarusiatic eqqarsaatigalugit NI-Nuuk Qaqortumut nuunneqarnissaa sumut killippa?**
- 3. Sumiiffinni ataasiakkaani nunap immikkoortuini inuusutissarsiorneq eqqarsaatigalugu Savaateqarnermut, Nunaateqarnermullu pisorta qarfik kujataanut nuunneqarnissaa sumut killippa?**
- 4. Sumiiffinni suliffissaqartitsinerulerneq, suliffissanillu orniginarsaalluni pilersaarusiorneq qanoq ingerlava?**
- 5. Apeqquq 1-imi apeqquqigineqartut qanoq pilersaarusiorneqarpat?**

(Inatsisartunut ilaasorta, Bentiarq Ottosen, Atassut)

Tungavilersuut:

Namminersorlutik Oqartussat suliffeqarfiutaasa nunatta sineriaanut siammarterneqarnissaat siunnertaavoq, taamatulli ullumikkut suli iliuuseqarfigineqarsimanani. Nunatsinni sumiiffinni ataasiakkaani pisariaqartinneqartut eqqarsaatigalugit nalimmassaanissaq pingaaruteqarluinnarnera alloriarnerusinnaasoq annertoq pisariaqartinneqarpoq. Suliffeqarfiit annertuumik illoqarfimmi ataatsimi eqiterneqarsimaneri aqqissuunneqarsimavoq, tamannali aqqissuusaanikkut pinngitsoorneqarsinnaangilaq sumiiffinni ataasiakkaani inuusutissarsiteqartuusut ornillugit Namminersorlutik Oqartussat suliffeqarfiutaasa siammarterneqarnissaat.

Apeqquqit ullut 10-t piffissarititaasut atorlugit akineqarnissaat kissaatigaara.